



Obavještenje o održavanju kvalifikacionog takmičenja za plasman na federalno takmičenje iz matematike učenika osnovnih škola 2025. godine

Udruženje matematičara Kantona Sarajevo (UM KS) organizuje kvalifikaciono takmičenje za plasman na federalno takmičenje iz matematike učenika osnovnih škola. **Termin kvalifikacionog takmičenja je subota, 26.4.2025. godine.**

Takmičenje se održava na nekoliko lokacija: Bihać, Mostar, Tuzla, Sarajevo i Zenica. Učenik će u prijavi odabrati na kojoj lokaciji želi raditi takmičenje. Izrada zadataka počinje u 10:30, a traje do 13:30. Potrebno je da učenici na dan takmičenja dođu najkasnije u 10:15 na mjesto održavanja takmičenja.

Kvalifikacionom takmičenju mogu pristupiti svi učenici koji nisu ostvarili direktan plasman na federalno takmičenje preko kantonalnog takmičenja. Učenici rade 5 zadataka, pri čemu svaki zadatak nosi 10 bodova. Prvi zadatak je školskog tipa, dok su preostala četiri zadatka iz oblasti algebre, geometrije, teorije brojeva i kombinatorike (ne nužno u tom redoslijedu, zadaci su poredani od lakših ka težim).

Prvoplasiranih 12 učenika iz svakog razreda ostvaruje plasman na federalno takmičenje. Rezultati i eventualne žalbe će se odvijati online, putem maila. Za učešće na kvalifikacionom takmičenju se ne dobija nikakva potvrda, priznanje ili diploma.

Tačne lokacije održavanja takmičenja su sljedeće:

- Bihać – “Richmond Park College” Bihać
- Mostar – “United World College” Mostar
- Sarajevo – Prirodno-matematički fakultet Univerziteta u Sarajevu
- Tuzla – “Richmond Park College” Tuzla
- Zenica – Mješovita srednja industrijska škola Zenica

Učenici koji žele učestvovati na kvalifikacionom takmičenju dužni su se prijaviti putem online forme:

<https://forms.gle/CgkW7JEr6Jo4BeY7A>

Prijava se može izvršiti najkasnije do četvrtka, 24.4.2025. godine do 23:59 h.

Također, svi učesnici su dužni uplatiti kotizaciju od 20 KM na žiro račun UM KS: 1610000156600012 kod Raiffeisen banke dd Sarajevo sa naznakom „Za kvalifikaciono takmičenje“, najkasnije 2 dana prije takmičenja. **Kotizaciju uplatiti tek nakon što se učenik prijavi putem online forme.**

Za eventualna pitanja možete se obratiti na federalno.takmicenje@gmail.com.